



Broj: 02-04-2-720/23
Maglaj, 26.04.2023. godine

ZAPISNIK

sa 26. redovne sjednice Općinskog vijeća Maglaj
održane dana 26.04.2023. godine u 9:00 sati u Sali Općinskog vijeća
JU Dom kulture «Edhem Mulabdić» Maglaj

Predsjedavajuća Svjetlana Zamboni: Na osnovu člana 59. Poslovnika o radu Općinskog vijeća Maglaj, zaključaka Kolegija od 17.04.2023. godine, otvaram 26. redovnu sjednicu Općinskog vijeća Maglaj.

Na današnju sjednicu pozvani su vijećnici iz parlamentarnih političkih stranaka: SDP, SDA, A-SDA, DF, HDZ BIH, i samostalni vijećnici Elvir Vehabović, Mustafa Bešić, Mirza Bradarić i Mirza Mešić.

Pozivi za sjednicu dostavljeni su OSCE terenskom uredu u Travniku, i sredstvima informisanja koji prate rad današnje sjednice Općinskog vijeća.

Pozvan je Općinski načelnik, rukovodioci općinskih Službi, Općinska pravobraniteljica, kao i predstavnici čiji materijali će biti razmatrani na današnjoj sjednici Općinskog vijeća.

Također su pozvani i zastupnici u Skupštini Zeničko-dobojskog kantona gospođa Emira Drnda-Čičeklić, gospodin Jasminko Kapić i gospodin Hajrudin Ferić.

Sve vas srdačno pozdravljam i pozivam da svako na sebi svojstven način, odamo dužnu počast onima koji su svoje živote ugradili u zemlju, domovinu nam Bosnu i Hercegovinu i svim žrtvama rata.

Molim predstavnicu Službe Općinskog načelnika i Općinskog vijeća, da prozivkom vijećnika utvrdimo broj vijećnika na 26. redovnoj sjednici Općinskog vijeća. Današnjoj sjednici Općinskog vijeća prisustvuju 23 vijećnika, odsutni su vijećnici Mirza Bradarić i Elvir Vehabović. Konstatujem da Općinsko vijeće može punovažno raditi i odlučivati, donositi Odluke, zaključke i Rješenja, čime je ispoštovan član 88. Poslovnika o radu Općinskog vijeća Maglaj. Na današnjoj sjednici izvršit ćemo verifikaciju zapisnika sa 25. redovne sjednice Općinskog vijeća Maglaj. Ima li primjedbi na zapisnik. Nema. Ko je za verifikaciju?

Glasalo za : Svjetlana Zamboni, Elvir Arnautović, Jasmin Đuhera, Arif Mujkanović, Almin Smailović, Firuz Galijašević, Senad Šehić, Samir Fetić, Fikret Delić(SDP), Mustafa Bešić (samostalni vijećnik), Aida Bašić (NES), Pero Mamić(HDZ BH), Aida Hadžić (DF), Maid Suljaković, Eldin Pehrat, Adis Abdurahmanović, Edin Salatović, Safet Jašić, Mirsad Bežić, Eldis Kukur, Edin Osmić (SDA), Mirza Mešić(samostalni vijećnik).

Glasalo protiv: Nema.

Uzdržanih: Nema.

Konstatujem da smo jednoglasno verificirali zapisnik. Otvaram raspravu po pitanju Dnevnog reda. Nema primjedbi.

DNEVNI RED

1. Periodični finansijski izvještaji Budžeta/Proračuna Općine Maglaj za period 01.01. – 31.03.2023. godine,

2. Registar budžetskih korisnika,
3. Prijedlog Odluke o javnim priznanjima općine Maglaj,
4. Prijedlog Odluke o prodaji nekretnine neposrednom pogodbom Bašić (Ibrahim) Esadu iz Misurića, općina Maglaj, radi oblikovanja građevinskih parcela,
5. Prijedlog Odluke o usvajanju djelimične izmjene Regulacionog plana „Centar Maglaj-sjeverni dio“, po zahtjevu Stenaklić Hane,
6. Prijedlog Odluke o pristupanju djelimičnoj izmjeni Regulacionog plana „Centar Maglaj-sjeverni dio“, po inicijativi Općine Maglaj,
7. Nacrt Odluke o usvajanju djelimične izmjene Regulacionog plana „Bijela Ploča“, po zahtjevu Čatić Husejina,
8. a) Prijedlog Odluke o objavljivanju Javnog oglasa za imenovanje jednog člana Općinske izborne komisije Maglaj,
b) Prijedlog Odluke o imenovanju Komisije za provođenje postupka po Javnom oglasu za imenovanje jednog člana Općinske izborne komisije Maglaj,
9. a) Izvještaj o radu Općinske izborne komisije Maglaj za 2022. godinu,
b) Program rada Općinske izborne komisije Maglaj za 2023. godinu,
10. Izvještaj o utrošku sredstava i realizaciji Plana i programa održavanja javnog zelenila na gradskom području sa finansijskim pokazateljima za 2022. godinu,
11. Izvještaj o utrošku sredstava i realizaciji Plana i programa održavanja javne higijene i zimskog održavanja gradskih javnih površina sa finansijskim pokazateljima za 2022. godinu.

Vijećnička pitanja i inicijative.

Dnevni red kako je došao u sazivu stavljam na glasanje ko je za ?

Glasalo za : Svjetlana Zamboni, Elvir Arnautović, Jasmin Đuhara, Arif Mujkanović, Almin Smailović, Firuz Galijašević, Senad Šehić, Samir Fetić, Fikret Delić(SDP), Mustafa Bešić (samostalni vijećnik), Aida Bašić (NES), Pero Mamić(HDZ BH), Aida Hadžić (DF), Maid Suljaković, Eldin Pehrat, Adis Abdurahmanović, Edin Salatović, Safet Jašić, Mirsad Bejzić, Eldis Kusur, Edin Osmić (SDA), Mirza Mešić(samostalni vijećnik).

Glasalo protiv: Nema.

Uzdržanih: Nema.

AD 1. Periodični finansijski izvještaji Budžeta/Proračuna Općine Maglaj za period 01.01. – 31.03.2023. godine.

Predsjedavajuća Svjetlana Zamboni: Prelazimo na prvu tačku Dnevnog reda a to su Periodični finansijski izvještaji Budžeta/Proračuna Općine Maglaj za period 01.01. – 31.03.2023. godine. Želim napomenuti da smo dobili zaključke komisije za statutarna pitanja putem e-maila. Zaključak statutarne po ovoj tački glasi: Predloženi periodični finansijski izvještaj Budžeta/Proračuna Općine Maglaj za period 01.1.-31.03.2023. godine u svojoj preambuli sadrži odredbe propisa koji utvrđuju usaglašenost sa Ustavom, zakonom i Statutom i nadležnost Općinskog vijeća Maglaj da razmatra navedeni akt. Komisija podsjeća na zaključak sa 8.sjednice Komisije gdje predlaže obrađivaču akta ove tačke da u narednom periodu utvrdi kod nadležnih institucija pravnu utemeljenost za formalno pravni model akta i isti dostavi vijećnicima prije razmatranja na sjednici Općinskog vijeća Maglaj. Otvaram raspravu. Da li je potrebno da uvodničar nešto kaže, nije. Dakle prima se k znanju Periodični finansijski izvještaji Budžeta/Proračuna Općine Maglaj za period 01.01.-31.03.2023. godine. Zna da ovo razmatramo kao informaciju.

ZAKLJUČAK

1.1. Prima se k znanju Periodični finansijski izvještaji Budžeta/Proračuna Općine Maglaj za period 01.01. – 31.03.2023. godine.

AD 2. Registar budžetskih korisnika

Predsjedavajuća Svjetlana Zamboni: Prelazimo na drugu tačku Dnevnog reda a to je Registar budžetskih korisnika. Otvaram raspravu. Zatvaram raspravu. Mogu konstatovati da se prima k znanju Informacija o uspostavljenom Registru budžetskih korisnika Općine Maglaj.

ZAKLJUČAK

2.1. Prima se k znanju Informacija o uspostavljenom Registru budžetskih korisnika Općine Maglaj za 2023. godinu.

AD 3. Prijedlog Odluke o javnim priznanjima općine Maglaj

Predsjedavajuća Svjetlana Zamboni: Prelazimo na treću tačku, Prijedlog Odluke o javnim priznanjima općine Maglaj. Otvaram raspravu, izvolite gospodin Kusr.

Vijećnik Eldis Kusr: Sve vas selamim i pozdravljam i želim nam danas brz i uspješan rad. Ispred Kluba SDA želim da pohvalim prijedlog ovakve Odluke za davanje javnih priznanja. Mi smo pregledali i ustanovili smo da je zaista ono što smo i ranijih godina mi kao Klub SDA predlagali, da su većinom uvaženi naši prijedlozi. Danas će Klub SDA ovakav oblik Odluke i da podrži.

Predsjedavajuća Svjetlana Zamboni: Hvala najljepša. Ja samo moram kratko do šefice službe samo da vidim tehnički da li je sve. Hvala, evo Klub SDA je iznio svoj stav, da li ima još diskutanata po ovoj tački Dnevnog reda, nema. Na glasanje mogu staviti ovakvu Odluku, te predlažem da se donese Odluka o javnim priznanjima općine Maglaj, ko je za ?

Glasalo za : Svjetlana Zamboni, Elvir Arnautović, Jasmin Đuhera, Arif Mujkanović, Almin Smailović, Firuz Galijašević, Senad Šehić, Samir Fetić, Fikret Delić(SDP), Mustafa Bešić (samostalni vijećnik), Aida Bašić (NES), Pero Mamić(HDZ BH), Aida Hadžić (DF), Maid Suljaković, Eldin Pehrät, Adis Abdurahmanović, Edin Salatović, Safet Jašić, Mirsad Bežić, Eldis Kusr, Edin Osmić (SDA), Mirza Mešić (samostalni vijećnik).

Glasalo protiv: Nema.

Uzdržanih: Nema.

ZAKLJUČAK

3.1. Donosi se Odluka o javnim priznanjima općine Maglaj.

AD 4. Prijedlog Odluke o prodaji nekretnine neposrednom pogodbom Bašić (Ibrahim) Esadu iz Misurića, općina Maglaj, radi oblikovanja građevinskih parcela

Predsjedavajuća Svjetlana Zamboni: Prelazimo na narednu tačku Dnevnog reda a to je Prijedlog Odluke o prodaji nekretnine neposrednom pogodbom Bašić (Ibrahim) Esadu iz Misurića, općina Maglaj, radi oblikovanja građevinskih parcela. Već smo ranije imali ovu tačku u vidu Nacrta. Otvaram raspravu, zatvaram raspravu te na glasanje stavljam ovu tačku. Ko je za ?

Glasalo za : Svjetlana Zamboni, Elvir Arnautović, Jasmin Đuhera, Arif Mujkanović, Almin Smailović, Firuz Galijašević, Senad Šehić, Samir Fetić, Fikret Delić(SDP), Mustafa Bešić (samostalni vijećnik), Aida Bašić (NES), Pero Mamić(HDZ BH), Aida Hadžić (DF), Maid Suljaković, Eldin Pehrat, Adis Abdurahmanović, Edin Salatović, Safet Jašić, Mirsad Bejzić, Eldis Kusun, Edin Osmić (SDA), Mirza Mešić (samostalni vijećnik).

Glasalo protiv: Nema.

Uzdržanih: Nema.

ZAKLJUČAK

4.1. Donosi se Odluka o prodaji nekretnine neposrednom pogodbom Bašić (Ibrahim) Esadu iz Misurića, općina Maglaj, radi oblikovanja građevinskih parcela, po cijeni od 30,00 KM po 1 m².

AD 5. Prijedlog Odluke o usvajanju djelimične izmjene Regulacionog plana „Centar Maglaj-sjeverni dio“, po zahtjevu Stenaklić Hane

Predsjedavajuća Svjetlana Zamboni: Prelazimo na narednu tačku a to je Prijedlog Odluke o usvajanju djelimične izmjene Regulacionog plana „Centar Maglaj- sjeverni dio“, po zahtjevu Stenaklić Hane. Vezano za zaključke Komisije za statutarna pitanja, Poslovnik i propise, ovo što nisam pročitala oni su zapravo utvrdili da postoji osnov za razmatranje ovih tački i dobili ste zaključke i Komisije za privredu, prostorno uređenje, urbanizam i zaštitu. Koji su također suglasni za donošenje ovakvih odluka. Otvaram raspravu. Zatvaram raspravu. Predlažem da se donese Odluka o usvajanju djelimične izmjene Regulacionog plana Centar Maglaj-sjeverni dio, po zahtjevu Stenaklić Hane. Ko je za ?

Glasalo za : Svjetlana Zamboni, Elvir Arnautović, Jasmin Đuhera, Arif Mujkanović, Almin Smailović, Firuz Galijašević, Senad Šehić, Samir Fetić, Fikret Delić(SDP), Mustafa Bešić (samostalni vijećnik), Aida Bašić (NES), Pero Mamić(HDZ BH), Aida Hadžić (DF), Maid Suljaković, Eldin Pehrat, Adis Abdurahmanović, Edin Salatović, Safet Jašić, Mirsad Bejzić, Eldis Kusun, Edin Osmić (SDA), Mirza Mešić (samostalni vijećnik).

Glasalo protiv: Nema.

Uzdržanih: Nema.

ZAKLJUČAK

5.1. Donosi se Odluka o usvajanju djelimične izmjene Regulacionog plana „Centar Maglaj-sjeverni dio“, po zahtjevu Stenaklić Hane.

AD 6. Prijedlog Odluke o pristupanju djelimičnoj izmjeni Regulacionog plana „Centar Maglaj-sjeverni dio“, po inicijativi Općine Maglaj

Predsjedavajuća Svjetlana Zamboni: Prelazimo na šestu tačku, Prijedlog Odluke o pristupanju djelimičnoj izmjeni Regulacionog plana „Centar Maglaj-sjeverni dio“, po inicijativi Općine Maglaj Također sadrži sve odredbe propisa koji utvrđuju usaglašenost kao i podrška Komisije za prostorno uređenje, urbanizam i zaštitu okoliša. Otvaram raspravu. Evo Nedžade, molim Vas obrazloženje.

Nedžad Čatić: Pozdravljam sve prisutne, ova Odluka o pristupanju je po inicijativi Općine i načelnika, radi se o lokaciji, tamo onaj prilaz iz ulice Abdulaha Mahmutagića kad se prilazi sa zadnje strane prema onim izgrađenim poslovnim objektima, Džino, Kadrija, RVI, imaju tu predviđena po Regulacionom planu tri objekta kao tri lamelna objekta koji faktički nisu mogli proći do sada. Mi smo to raspisivali par puta i licitaciju za prodaju, međutim nije se niko prijavio jer jednostavno takva vrsta objekta teško prolazi gdje se vežu jedan uz drugi, tako da onaj srednji objekat i nema neki prilaz. Namjena je da se ovom izmjenom opredijeli izgradnja jednog objekta koji bi bio veći i da se riješi parking prostor za one već izgrađene objekte, kao i za objekte koji će se graditi kao i prilazi iz ulice Abdulaha Mahmutagića koji se i sada koristi za parking i objektima jer je ovaj drugi ulaz koji je faktički Aleja ljljana samo za potrebe stanara ali ne može se koristiti kao parking i za prilaz nekog drugog tim objektima. Hvala.

Predsjedavajuća Svjetlana Zamboni: Otvaram raspravu, izvolite vijećnik Mešić.

Vijećnik Mirza Mešić: Pozdravljam sve prisutne, ja ću kratko samo pošto sam baš ovu tačku pratio. Zanimaju me određene stvari, vi ste rekli ovdje da ste već par puta raspisivali da se nije niko prijavio da to preuzme da radi. Da li postoji indicija, da li se neko javio u međuvremenu, ukoliko se izmjeni Regulacioni plan da to radi. Druga stvar, postoji li opcija pošto evo generalno imamo problem, pošto imamo jednu fabriku veliku gdje dolaze radnici sa strane. Postoji li opcija, odnosno rješenje da to uradi Općina, pa da ima neku korist od toga, da iznajmljuje ili na kraju krajeva uvijek ima sredstva u tome. Da bude u vlasništvu da se ne vrši prodaja. Druga stvar u ovom dijelu stoji obrazloženja da će se raditi parking prostori što je generalno problem na području grada posebno. Predlažem jedan zaključak da se do sljedeće sjednice uradi vezano i za ovo i za sve ostalo, Načrt Odluke o parking prostorima na području grada, pa i općine, da bi se ovo pitanje riješilo, kako pravna lica, tako i fizička vezano za ove stvari. evo i ovdje se navodi da će biti rješenje i vidimo da je prisutno sa jednog dijela može bit, jer Aleja ljljana je zatvorena za saobraćaj vozila. Imamo generalno problem tih ljudi imamo dosta koji bi koristili, ne mogu da koriste firme itd.

Predsjedavajuća Svjetlana Zamboni: Da li ima još diskutacija? Na zahtjev predsjednika Kluba SDA pauza prije glasanja. Nakon pauze Kluba SDA da li ćete Maide iznijeti stavove. Ništa samo ćete glasati. Dakle imali smo izlaganje vijećnika Mešića ovdje, te njegov prijedlog stavljam na glasanje, ko je za? Evo prije glasanja, šefe hoćete li odgovoriti.

Nedžad Čatić: Pitanje je bilo koliko se sjećam, da li ima već potencijalni investitor tu. Nema niti postoji nekakva namjena da se, da se to u nekom periodu kraćem licitira ili bilo šta. Prvenstvena namjena je ovdje da se riješi ovaj prilaz i parking prostor. Faktički ovaj drugi dio bi se rješavao u sklopu toga. Drugo pitanje je bilo je li bila...parkinzi i ostaju u vlasništvu. To je opet stav Vijeća, bilo kakva, ako se opredijeli tu objekat koji bi se eventualno i licitirao plac za izgradnju zgrade nekakve Vijeće donosi odluku u toj situaciji. Stav je Vijeća kako će donijeti odluku u tom momentu ako to bude, prvo se odavdje kreće Odluka o pristupanju tome nečemu šta se treba uraditi. Tako i u ovoj situaciji, ovo je faktički prvi korak, ovo je Odluka o pristupanju, nakon ove Odluke, ide odabir izvođača, pa Načrt, pa Prijedlog itd.

Predsjedavajuća Svjetlana Zamboni: Vijećnik Galijašević, izvolite.

Vijećnik Firuz Galijašević: Pozdravljam sve prisutne, pitanje odmah za šefa. Nije meni jasno, postoji li pravni osnov da bi Općina finansirala, gradila i prodavala stanove? Hvala.

Predsjedavajuća Svjetlana Zamboni: Nedžade, hoćete li odgovoriti.

Nedžad Čatić: Pa baš pravni osnov za to, nisam ni ja siguran ali mislim da ne postoji jer Opština se morala rješavati stanova koji smo imali, jer ne može imati u vlasništvu stanove. Da je poslovni prostor samo poslovni prostor za neku određenu namjenu, vjerovatno bi postojala mogućnost ali u ovoj situaciji mislim da ne može.

Predsjedavajuća Svjetlana Zamboni: Da li ste vijećniče Mešić, zadovoljni odgovorima službe. Hvala lijepo, dakle nakon toga, ukoliko je diskusija završena, zaključujem diskusiju, te na glasanje stavljam prijedlog koji je iznio vijećnik Mešić, ko je za?

Glasalo za: Mirza Mešić (samostalni vijećnik), Maid Suljaković, Eldin Pehrat, Adis Abdurahmanović, Edin Salatović, Safet Jašić, Mirsad Bežić, Eldis Kusur, Edin Osmić (SDA).

Glasalo protiv: Svjetlana Zamboni, Elvir Arnautović, Jasmin Đuhera, Arif Mujkanović, Almin Smailović, Firuz Galijašević, Senad Šehić, Samir Fetić, Fikret Delić (SDP), Mustafa Bešić (samostalni vijećnik), Aida Bašić (NES), Pero Mamić (HDZ BH),

Uzdržani: Aida Hadžić (DF), Fikret Delić (SDP).

Sada stavljam dakle ovu Odluku, ko je za?

Glasalo za: Svjetlana Zamboni, Elvir Arnautović, Jasmin Đuhera, Arif Mujkanović, Almin Smailović, Firuz Galijašević, Fikret Delić, Senad Šehić, Samir Fetić, Fikret Delić (SDP), Mustafa Bešić (samostalni vijećnik), Aida Bašić (NES), Pero Mamić (HDZ BH),

Glasalo protiv: Nema.

Uzdržanih: : Mirza Mešić (samostalni vijećnik), Maid Suljaković, Eldin Pehrat, Adis Abdurahmanović, Edin Salatović, Safet Jašić, Mirsad Bežić, Eldis Kusur, Edin Osmić (SDA).

ZAKLJUČAK

6.1. Donosi se Odluka o pristupanju djelimičnoj izmjeni Regulacionog plana „Centar Maglaj-sjeverni dio“, po inicijativi Općine Maglaj.

AD 7. Nacrt Odluke o usvajanju djelimične izmjene Regulacionog plana „Bijela Ploča“, po zahtjevu Čatić Husejina

Predsjedavajuća Svjetlana Zamboni: Prelazimo na narednu tačku a to je Nacrt Odluke o usvajanju djelimične izmjene Regulacionog plana „Bijela Ploča“, po zahtjevu Čatić Husejina. Statutarna komisija je utvrdila usaglašenost sa Ustavom i zakonom itd. i imamo zaključak ove Komisije za privredu, koja je također razmtrala ovu tačku Dnevnog reda i da je suglasan sa Nacrtom ove Odluke. Otvaram raspravu, da li je prijedlog službe da ovo ide redovnom procedurom. Znači u skladu sa predloženom odlukom, provođenje javne rasprave u roku od 15 dana. Ko je za ?

Glasalo za : Svjetlana Zamboni, Elvir Arnautović, Jasmin Đuhera, Arif Mujkanović, Almin Smailović, Firuz Galijašević, Senad Šehić, Samir Fetić, Fikret Delić (SDP), Mustafa Bešić (samostalni vijećnik), Aida Bašić (NES), Pero Mamić (HDZ BH), Aida Hadžić (DF), Maid Suljaković, Eldin Pehrat, Adis Abdurahmanović, Edin Salatović, Safet Jašić, Mirsad Bežić, Eldis Kusur, Edin Osmić (SDA), Mirza Mešić (samostalni vijećnik).

Glasalo protiv: Nema.

Uzdržanih: Nema.

ZAKLJUČAK

7.1. Donosi se Nacrt Odluke o usvajanju djelimične izmjene Regulacionog plana „Bijela Ploča“, po zahtjevu Čatić Husejina.

AD 8. a) Prijedlog Odluke o objavljivanju Javnog oglasa za imenovanje jednog člana Općinske izborne komisije Maglaj,

b) Prijedlog Odluke o imenovanju Komisije za provođenje postupka po Javnom oglasu za imenovanje jednog člana Općinske izborne komisije Maglaj,

Predsjedavajuća Svjetlana Zamboni: Prelazimo na 8. tačku Dnevnog reda a to je a) Prijedlog

Odluke o objavljivanju Javnog oglasa za imenovanje jednog člana Općinske izborne komisije Maglaj pa možemo odmah diskutovati i pod b) Prijedlog Odluke o imenovanju Komisije za provođenje postupka po Javnom oglasu za imenovanje jednog člana Općinske izborne komisije Maglaj. Uvodničar za ovu tačku je šefica službe, ukoliko je potrebno davati dodatno obrazloženje, ne treba, otvaram raspravu. Zatvaram raspravu pa ćemo se izjašnjavati pod a i pod b. dakle Prijedlog Odluke o objavljivanju Javnog oglasa za imenovanje jednog člana Općinske izborne komisije Maglaj, ko je za?

Glasalo za: Svjetlana Zamboni, Elvir Arnautović, Jasmin Đuhera, Arif Mujkanović, Almin Smailović, Firuz Galijašević, Senad Šehić, Samir Fetić, Fikret Delić(SDP), Mustafa Bešić (samostalni vijećnik), Aida Bašić (NES), Pero Mamić(HDZ BH), Aida Hadžić (DF).

Glasalo protiv: Nema.

Uzdržanih: Maid Suljaković, Eldin Pehrat, Adis Abdurahmanović, Edin Salatović, Safet Jašić, Mirsad Bežić, Eldis Kusur, Edin Osmić (SDA), Mirza Mešić(samostalni vijećnik).

Pod b) Prijedlog Odluke o imenovanju Komisije za provođenje postupka po Javnom oglasu za imenovanje jednog člana Općinske izborne komisije Maglaj, ko je za?

Glasalo za : Svjetlana Zamboni, Elvir Arnautović, Jasmin Đuhera, Arif Mujkanović, Almin Smailović, Firuz Galijašević, Senad Šehić, Samir Fetić, Fikret Delić(SDP), Mustafa Bešić (samostalni vijećnik), Aida Bašić (NES), Pero Mamić(HDZ BH), Aida Hadžić (DF).

Glasalo protiv: Nema.

Uzdržanih: Maid Suljaković, Eldin Pehrat, Adis Abdurahmanović, Edin Salatović, Safet Jašić, Mirsad Bežić, Eldis Kusur, Edin Osmić (SDA), Mirza Mešić (samostalni vijećnik).

ZAKLJUČAK

8.1. Donosi se Odluka o objavljivanju Javnog oglasa za imenovanje jednog člana Općinske izborne komisije Maglaj;

8.2. Donosi se Odluka o imenovanju Komisije za provođenje postupka po Javnom oglasu za imenovanje jednog člana Općinske izborne komisije Maglaj u sastavu: Jasminka Saračević, predsjednica, Irma Mahmić, članica i Daina Bešić, članica.

**AD 9. a) Izvještaj o radu Općinske izborne komisije Maglaj za 2022. godinu,
b) Program rada Općinske izborne komisije Maglaj za 2023. godinu,**

Predsjedavajuća Svjetlana Zamboni: Prelazimo na narednu tačku a to je a) Izvještaj o radu Općinske izborne komisije Maglaj za 2022. godinu, i pod b) Program rada Općinske izborne komisije Maglaj za 2023. godinu. Gospođa Dijana je tu, ako bude pitanja po ovoj tački Dnevnog reda, otvaram raspravu. Imam zaključak Komisije za statutarna pitanja, komisija je utvrdila da je obaveza podnošenja Izvještaja i Programa rada Općinske izborne komisije regulisano Izbornim zakonom BiH, na osnovu člana 29, stav 1 a u vezi sa članom 2.13. Izbornog zakona Bosne i Hercegovine i članom 5 Upustva o načinu rada i izvještavanju izborne komisije osnovne izborne jedinice u BiH. Izborne komisije BiH, te je komisija mišljenja da se navedeni akti na sjednici Općinskog vijeća razmatraju u drugačijem pravnom status, npr. informacija, analiza i slično. To je stav ove komisije. Izvolite, gospođa Hadžić.

Vijećnica Aida Hadžić: Da pozdravim sve prisutne, ovo što je sada predsjedavajuća pročitala je ono što mi želimo da se stav zauzme, da se ovo usvaja kao informacija ne kao izvještaj a s druge strane ono što bi smo kao stranka DF-a htjeli da predložimo OIK-u a to je da već sada krenu u procedure Izborna adekvatnih lokacija za izbore sljedeće godine da se ne desi kao za prošle izbore,

da se pojedina biračka mjesta trebaju zatvoriti pa da ljudi idu na neke druge lokacije koje do sada nisu bile predviđene. Da se obezbjedi pristup invalidima, grijanje, ovo su znači sve propisani uslovi a već ima dovoljno vremena da se počne sa tim aktivnostima da nam se ne bi desilo kao za prošle izbore oni propust koji su se desili.

Predsjedavajuća Svjetlana Zamboni: Hvala lijepo. Izvolite vijećnik Bešić.

Vijećnik Mustafa Bešić: Evo i ja bih vas sve selamio i pozdravio pošto prvi put izlazim. Evo i ja bih se nadovezao na izlaganje kolegice Aide Hadžić, odnosno moja mjesna zajednica, odnosno naseljeno mjesto Domislica isto je imala problem na proteklim izborima gdje nam je faktički do zadnjeg momenta nismo znači hoće li biti održano u domu kulture. Na tom dijelu gore otprilike izađe mislim prijavljeno je oko 800-900 glasača. Ovom prilikom želim da se zahvalim Općini i načelniku koji je iznašao rješenje. Šta je bio problem kod nas želim da upoznam. Kod nas je bio problem prvo električne energije, pa onda slaba stolarija, pa onda krčev. Evo mi smo u roku godinu i po dana mi smo doveli koliko toliko dom kulture u jednu situaciju gdje se može komotno održati znači izbori i sve aktivnosti što se tiče toga. Ovom prilikom se želim da zahvalim načelniku i Općini na razumjevanju.

Predsjedavajuća Svjetlana Zamboni: Hvala Vam. Evo sve sugestije teku u istom smjeru otprilike da li ima još diskutacija. Uvažavajući dakle stav ove Statutarne komisije i sam materijal koji je dostavljen Općinskom vijeću, dakle sugestija je da se za naredni period vidi u kojoj formi dolazi materijal na Vijeće. Da li je to analiza ili informacija i da se otvara rasprava u tom smjeru. Ja sada moram Izvještaj o radu Općinske izborne komisije Maglaj za 2022. godinu u formi u kojoj je i dostavljen staviti na usvajanje, uvažavajući dakle stav Statutarne komisije za naredni period. Naravno i ove sugestije koje su iznesene od strane vijećnika da se započnu pripreme za izbore naredne godine, po pitanju lokacija. Ko je za? Pauza na zahtjev Kluba SDA prije glasanja. Nastavljamo s radom, nakon pauze da li ćete iznositi svoje stavove. Izvolite vijećnik Kusur.

Vijećnik Eldis Kusur: Samo nakon pauze malo nas je zbunilo prvo kad je predsjedavajuća pročitala stav Statutarne komisije gdje se kaže da ovo mi možemo primati kao informaciju ili u obliku analize, međutim ako smo mi nekog izabrali, ako mi nekoga finansiramo po nama bi bilo logično da i mi trebamo taj Izvještaj da usvajamo. Za današnji Izvještaj OIK-a koji je na Dnevnom redu da se usvoji, mi uporište u Izbornom zakonu nemamo, znači Izborna komisija je dužna da svoj Izvještaj podnosi Centralnoj izbornoj komisiji a nigdje nije definisan da taj Izvještaj treba podnijeti i nama ovdje Općinskom vijeću, pa ja ovim putem predlažem da se ispred Općinskog vijeća uputi pitanje ili stav sa današnje sjednice Centralnoj izbornoj komisiji da nam pošalju tumačenje da li smo mi kao Općinsko vijeće nadležni da razmatramo Izvještaj Općinske izborne komisije u formi Izvještaja ili u formi informacije ali smatram ako smo kao što sam maloprije i kazao, ako smo mi nekoga izabrali, ako finansiramo rad tog nekoga, da mi je logično da ćemo mi usvojiti Izvještaj o radu. Svakako Klub SDA će podržati ovaj Izvještaj i podržat ćemo Program rada za 2023. godinu, jer ipak sa razumjevanjem radili su u otežavajućim okolnostima ali nadamo se sve što ide dalje i dalje, da će biti bolje i bolje. Vidite da i u Upustvima, Pravilima o provođenju izbora u 2022. godini da se svaki put Centralna izborna komisija ne razmišljajući kakva je situacija na terenu, oni uvode neka nova pravila i postoje sredite, postoje situacije i mjesta gdje je teško sprovesti u djelo ono što oni traže. Jedna sugestija članovima Općinske izborne komisije da ranije završi proces utvrđivanja biračkih mjesta, jer dolazimo u dilemu i znalo se dešavati u proteklom godinama da 10 sati prije održavanja izbora u nekoj lokalnoj sredini dobijemo informaciju gdje se ti izbori održavaju. Sugerisem članovima Općinske izborne komisije da to što prije ili ranije urade i da utvrde jer mnogi ljudi koji rade na terenu dovode se u dilemu i dovode se u zabludu i oni koji rade ne znaju da li će biti, evo npr. Mi smo imali informaciju za Novi Šeher koja je objavljen, a to jeste odluka je objavljena na javnim glasilima Općine Maglaj da će svi stanovnici Mladoševice, Domislice, Strupine glasati u školi Novi Šeher a tako stanovnici MZ Kopice da će glasati u

podružnoj školi u Čobama. Da se to ne bi dešavalo molim ih da ranije počnu raditi na tome kako bi se i te dileme na vrijeme otklonile.

Predsjedavajuća Svjetlana Zamboni: Evo, kako su tekle i diskusije i ranije u principu sve u istom smjeru. Smatram da je ovaj prijedlog koji ste iznijeli i korektna, da se za naredni period, odnosno naredni Izvještaj, Informaciju ili analizu kako god da se uputi jedan dopis CIK-u pa da vidimo tačno da li je to u nadležnosti Općinskog vijeća i u kojoj formi se usvaja taj dokument. Evo nakon ovoga prvo ovaj prijedlog stavljam na glasanje koji je iznio vijećnik Kusur, a to je da se uputi CIK-u jedan dopis ted a se tačno utvrdi forma dokumenta koja se dostavlja vijeću. Ko je za takav prijedlog.

Glasalo za : Svjetlana Zamboni, Elvir Arnautović, Jasmin Đuhera, Arif Mujkanović, Almin Smailović, Firuz Galijašević, Senad Šehić, Samir Fetić, Fikret Delić(SDP), Mustafa Bešić (samostalni vijećnik), Aida Bašić (NES), Pero Mamić(HDZ BH), Aida Hadžić (DF), Maid Suljaković, Eldin Pehrat, Adis Abdurahmanović, Edin Salatović, Safet Jašić, Mirsad Bejzić, Eldis Kusur, Edin Osmić (SDA), Mirza Mešić(samostalni vijećnik).

Glasalo protiv: Nema.

Uzdržanih: Nema.

Konstatujem da smo jednoglasno usvojili ovaj prijedlog a sada na glasanje stavljam Izvještaj o radu Općinske izborne komisije za 2022. godinu, ko je za ?

Glasalo za : Svjetlana Zamboni, Elvir Arnautović, Jasmin Đuhera, Arif Mujkanović, Almin Smailović, Firuz Galijašević, Senad Šehić, Samir Fetić, Fikret Delić(SDP), Mustafa Bešić (samostalni vijećnik), Aida Bašić (NES), Pero Mamić(HDZ BH), Maid Suljaković, Eldin Pehrat, Adis Abdurahmanović, Edin Salatović, Safet Jašić, Mirsad Bejzić, Eldis Kusur, Edin Osmić (SDA).

Glasalo protiv: Nema.

Uzdržanih: Mirza Mešić(samostalni vijećnik), Aida Hadžić (DF).

Na glasanje stavljam Program rada Općinske izborne komisije Maglaj za 2023. godinu i uz zaduženje da sve ove iznesene sugestije uzmu u obzir za održavanje narednih izbora, ko je za?

Glasalo za : Svjetlana Zamboni, Elvir Arnautović, Jasmin Đuhera, Arif Mujkanović, Almin Smailović, Firuz Galijašević, Senad Šehić, Samir Fetić, Fikret Delić(SDP), Mustafa Bešić (samostalni vijećnik), Aida Bašić (NES), Pero Mamić(HDZ BH), Maid Suljaković, Eldin Pehrat, Adis Abdurahmanović, Edin Salatović, Safet Jašić, Mirsad Bejzić, Eldis Kusur, Edin Osmić (SDA), Mirza Mešić(samostalni vijećnik), Aida Hadžić (DF).

Glasalo protiv: Nema.

Uzdržanih: Nema.

ZAKLJUČAK

9.1. Da se zatraži mišljenje Centralne izborne komisije BiH o formi dokumenta koji Općinska izborna komisija Maglaj o svom radu dostavlja Općinskom vijeću Maglaj na razmatranje (izvještaj ili informacija);

9.2. Usvaja se Izvještaj o radu Općinske izborne komisije Maglaj za 2022. godinu;

9.2. Usvaja se Program rada Općinske izborne komisije Maglaj za 2023. godinu uz sugestije koje se odnose na blagovremeno utvrđivanje lokacije biračkih mjesta, kao i da se osiguraju uslovi za pristup invalidima, grijanje i ostali propisani uslovi.

AD – 10:Izvještaj o utrošku sredstava i realizaciji Plana i programa održavanja javnog zelenila na gradskom području sa finansijskim pokazateljima za 2022. godinu

Predsjedavajuća Svjetlana Zamboni: Prelazimo na narednu tačku Dnevnog reda a to je Izvještaj o utrošku sredstava i realizaciji Plana i programa javnog zelenila na gradskom području sa

finansijskim pokazateljima za 2022. godinu. Imamo li uvodničara po ovoj tački, Nedžad je to Vi, Jasmina? Ima li potrebe da uvodničar nešto kaže, imamo zaključke Statutarne komisije, komisija je razmatrala Izvještaj o utrošku sredstava i realizaciji Plana i programa održavanja javnog zelenila na gradskom području sa finansijskim pokazateljima za 2022. godinu i sugerije da je u narednom periodu potrebno da se uz Izvještaj dostavi i Prijedlog Odluke o usvajanju Izvještaj o utrošku sredstava i realizaciji Plana i programa održavanja javnog zelenila na gradskom području sa finansijskim pokazateljima za 2022. godinu shodno članu 62. Stav 2. Poslovnika o radu Općinskog vijeća Maglaj, te da to bude sastavni dio materijala koji se dostavlja u sazivu za sjednicu Općinskog vijeća Maglaj. Eto to je zaključak komisije, otvaram raspravu, izvolite Salatović.

Vijećnik Edin Salatović: Ja vas sve selamim i pozdravljam i samo kratko jedno pitanje zbog čega ovaj dokument potpisuje predsjedavajuća a ne općinska služba ili načelnik?

Predsjedavajuća Svjetlana Zamboni: Neću Vam ja odgovoriti na to pitanje. Da li ima još diskutana, izvolite vijećnik Kusr.

Vijećnik Eldis Kusr: Nadovezat ću se na kolegu Salatovića, znači razmatrajući materijal ovaj koji je pred nama, predlagatelj je služba gdje je pripremla gospođa Jasmina Alić i šef službe Nedžad Čatić, potpisnik je gospodin načelnik Mirsad Mahmutagić, da bi na kraju Izvještaj onaj prilog koji nam je dostavljen potpis predsjedavajuće Općinskog vijeća. Tako smo dobili taj materijal, mislim da je trebalo biti, to je greška ili sta je već da nam neko izađe i da nam objasni zašto je to tako. Drugo i ove godine mi smo u predhodnom periodu sugerisali da se ova Odluka malo i proširi na van, da se odnosi na gradsko područje, mi pitamo da li postoji mogućnost da se u narednom periodu formuliše, da se javno zelenilo održava i u nekim ruralnim, to jeste u mjesnim zajednicama, da se ne držimo samo gradskog jezgra. Mi znamo da finansijski možda je teško to implementirati ali bi bilo dobro da se i vodi računa o zelenilu u nekim mjesnim zajednicama koje su malo većeg kapaciteta tako reći.

Predsjedavajuća Svjetlana Zamboni: To je ona diskusija koja je vođena u okviru Odluke koju smo donosili ranije. Da li ima još diskutana, evo Jasmina hoćete li Vi dati odgovore na ova pitanja.

Nedžad Čatić: Ja se slažem da je ovo greška u kucanju, ovdje bi trebalo da stoji Općinski načelnik a slažem se i sa onim prvim dijelom koji je iznijela komisija da bi uz Izvještaj trebala ići i Odluka gdje bi potpisnik bila predsjedavajuća, faktički Odluka o usvajanju ovog Izvještaja.

Predsjedavajuća Svjetlana Zamboni: Hvala lijepo. Naravno treba ispraviti ovu tehničku pogrešku u samom materijalu. Ja vas samo molim da vidimo da li ovo može odgovoriti svim ovim iznesenim stavovima, dakle imamo stav Statutarne komisije da se uz ovaj Izvještaj dostavlja i Odluka o usvajanju Izvještaja o utrošku sredstava, dakle da bude prateći dokument, obzirom da nemamo tu Odluku pred sobom pa je ne možemo ni usvajati kao takvu, evo dakle prijedlog da se to radi za naredni period, da ovaj dokument prati i Odluka koja će biti sastavni dio ovog materijala a naravno uvažavajući sugestiju vezano za potpisivanje dokumenta, tretirat ćemo to kao tehničku grešku, sugestija da se to ispravi i onda mogu ovaj sam Izvještaj staviti na glasanje, ko je za?

Glasalo za : Svjetlana Zamboni, Elvir Arnautović, Jasmin Đuhara, Arif Mujkanović, Almin Smailović, Firuz Galijašević, Senad Šehić, Samir Fetić, Fikret Delić (SDP), Mustafa Bešić (samostalni vijećnik), Aida Bašić (NES), Pero Mamić (HDZ BH), Aida Hadžić (DF).

Glasalo protiv: Maid Suljaković, Eldin Pehrat, Adis Abdurahmanović, Edin Salatović, Safet Jašić, Mirsad Bežić, Eldis Kusr, Edin Osmić (SDA).

Uzdržanih: Mirza Mešić (samostalni vijećnik),

ZAKLJUČAK

10.1. Da se u narednom periodu uz Izvještaj dostavi i Odluka o usvajanju Izvještaja o utrošku sredstava i realizaciji Plana i programa održavanja javnog zelenila na gradskom području sa finansijskim pokazateljima za 2022. godinu, kao prateći dokument;

10.2. Da se ispravi tehnička greška u materijalu, u smislu da umjesto Predsjedavajuća Svjetlana Zamboni stoji Općinski načelnik Mirsad Mahmutagić;

10.3. Usvaja se Izvještaj o utrošku sredstava i realizaciji Plana i programa održavanja javnog zelenila na gradskom području sa finansijskim pokazateljima za 2022. godinu;

AD – 11: Izvještaj o utrošku sredstava i realizaciji Plana i programa održavanja javne higijene i zimskog održavanja gradskih javnih površina sa finansijskim pokazateljima za 2022.godinu

Predsjedavajuća Svjetlana Zamboni: Prelazimo na narednu tačku Dnevnog reda a to je Izvještaj o utrošku sredstava i realizaciji Plana i programa održavanja javne higijene i zimskog održavanja gradskih javnih površina sa finansijskim pokazateljima za 2022.godinu. Komisija je razmatrala ovaj izvještaj i sugerira da je u narednom periodu potrebno da se uz Izvještaj dostavi i Prijedlog Odluke o usvajanju ovog Izvještaja kao i za predhodnu tačku Dnevnog reda, koja će biti sastavni dio materijala koji se sastavlja u sazivu na sjednicu Općinskog vijeća. Klub SDA čini mi se rekoše opet ista greška u potpisu, koju ćemo tretirati tehničkom pogreškom pa molimo da se to ispravi, otvaram raspravu, zatvaram raspravu, ko je za ?

Glasalo za : Svjetlana Zamboni, Elvir Arnautović, Jasmin Đuhara, Arif Mujkanović, Almin Smailović, Firuz Galijašević, Senad Šehić, Samir Fetić, Fikret Delić(SDP), Mustafa Bešić (samostalni vijećnik), Aida Bašić (NES), Pero Mamić(HDZ BH), Aida Hadžić (DF).

Glasalo protiv: Maid Suljaković, Eldin Pehrat, Adis Abdurahmanović, Edin Salatović, Safet Jašić, Mirsad Bejić, Eldis Kusur, Edin Osmić (SDA),

Uzdržanih: Mirza Mešić (samostalni vijećnik),

ZAKLJUČAK

11.1. Da se u narednom periodu uz Izvještaj dostavi i Odluka o usvajanju Izvještaja o utrošku sredstava i realizaciji Plana i programa održavanja javne higijene i zimskog održavanja gradskih javnih površina sa finansijskim pokazateljima za 2022.godinu, kao prateći dokument;

11.2. Da se ispravi tehnička greška u materijalu, u smislu da umjesto Predsjedavajuća Svjetlana Zamboni stoji Općinski načelnik Mirsad Mahmutagić;

11.3. Usvaja se Izvještaj o utrošku sredstava i realizaciji Plana i programa održavanja javne higijene i zimskog održavanja gradskih javnih površina sa finansijskim pokazateljima za 2022.godinu.

Predsjedavajuća Svjetlana Zamboni: Hvala lijepo, prelazimo na vijećnička pitanja i inicijative. Izvolite vijećnik Begić.

Vijećnik Jasmin Begić: Ja vas sve selamim i pozdravljam, ja ću kratko jednu vijećničku inicijativu. Moja inicijativa se odnosi na donošenje sljedeće Odluke. Da svake godine u periodu od 01.05.-01.11. dio ulice Srebreničkih žrtava rata se zatvori za saobraćaj doba vikenda i to petak sa početkom u 16,00 sati do nedjelje do 23,00 sata. To je od raskrsnice Sulejman Omerovića Cara sa ulicom Srebreničkih žrtava rata, pa do raskrsnice 1. Marta sa ulicom Srebreničkih žrtava rata. To jeste od taxi stajališta kod mosta do parkinga Komunalnog javnog društva u blizini Gradskog stadiona. Svjesni činjenice da sve više naših sugrađana šeta ulicom Srebreničkih žrtava rata i pored rijeke Bosne odakle se pruža predivan pogleda na Stari dio grada, dok u toplim ljetnim danima pored Bosne je temperatura često za 1 stepen niža i zrak svježiji. Naši sugrađani sa djecom uživaju u tim ljepotama. Stoga je neophodno navedenu ulicu zatvoriti za saobraćaj u vrijeme vikenda, to jeste od petka sa početkom u 16,00 sati i da ta obustava traje do nedjelje do 23,00 sata. Tada bi se omogućilo mladim populacijama da nesmetano trče po ulici, voze bicikla i romobile pod budnim okom roditelja ili u njihovoj blizini. Također, tada bi se vjerovatno rodile i nove poslovne ideje poput prodaje kokica, sladoleda, balona ili pak održavanje nekih kulturno sportskih manifestacija u tom dijelu Maglaja. Ova praksa se već odavno provodi u evropskim gradovima poput Beča, Hamburga a također ovu praksu imamo u Sarajevu u ulici Vilsonovo šetalište. Iskreno se nadam da će ova inicijativa uzeti se u razmatranje i za istu očekujem pozitavn odgovor.

Predsjedavajuća Svjetlana Zamboni: Abdurahmanović.

Vijećnik Adis Abdurahmanović: Na inicijativu građana naseljenog mjesta Strupina, podnosim vijećničku inicijativu da se dio asfaltirane dionice od džamije prema dijelu Mulahasići i Mujkići je u katastrofalnom stanju. U određenim dijelovima je gotovo i neprohodan za manja putnička vozila. Pozivam nadležne iz službe da izađu na teren i procijene nastalu štetu i po procjeni i reaguju. Hvala.

Predsjedavajuća Svjetlana Zamboni: Jašić.

Vijećnik Safet Jašić: Ja imam dva vijećnička pitanja ponovljena. Znači nisam dobio odgovore i jednu inicijativu. Ponavljam vijećničko pitanje koje sam postavio na 22. redovnoj sjednici znači tri sjednice su prošle, nisam dobio nikakav odgovor a radi se o lokalnom putu Novi Šeher-Kopice koji je u katastrofalnom stanju. Postavljam vijećničko pitanje kad će biti izvršena rekonstrukcija pomenutog puta. Zamolio bih da mi se odgovor pismeno dostavi.

Drugo vijećničko pitanje na istoj sjednici sam postavio a odnosi se na postavljanje ležećih policajaca u naseljenom mjestu Kopice na potezu autobusko stajalište-Bogatine. Na tom mjestu je i tada sam pomenuo da je izgubljen jedan mladi život, poginuo je momak od 23. godine i ako to nije bilo dovoljno ozbiljno vijećničko pitanje da izađe Komisija za saobraćaj i da se tu zaista stave ta dva ležeća policajca jer djeca istrčavaju itd. znači imali bi jedan život više ako ništa drugo. Ne može to niko predvidjeti al mislim da je situacija ozbiljna i da se niko nije udostojio da mi odgovori na ovo pitanje, mislim da nije korektno. Ja sam vijećnik i imam pravo da tražim neka izađe komisija i da kaže da to nije potrebno, ja ću i to prihvatiti. Imam jednu inicijativu znam da je ovo malo teže uraditi ali rješenja se moraju iznalaziti. Zbog stalnih poziva građana Kopica, da se uklone psi lutilice u posljednje vrijeme je bilo nekoliko napada čopora pasa na građane. Čak je bilo 3-4 ugriza pasa gdje su ljudi tražili ljekarsku pomoć. Ovo vjerovatno nije problem samo u našoj mjesnoj zajednici, mislim da bi se trebalo nešto poduzeti po ovom pitanju. Ja sam se obraćao lovačkom društvu, obraćao sam se policijskoj stanici. Nije bilo efekta i mi moramo nekako uzeti te mjesne zajednice, evo nismo uobzireni kad je u pitanju zelenilo itd. bar ove stvari da se to jednom godišnje bar zađe i da se to po mjesnim zajednicama, očisti ovo. Ja sam human čovjek i meni je žao da se to ubija, da se na neki način to odveze u neki azil itd. evo za sve ovo tražim pismeni odgovor i ja se nadam da će do naredne sjednice dobiti.

Predsjedavajuća Svjetlana Zamboni: Mešić.

Vijećnik Mirza Mešić: Inicijativu nisam uspio napisati jer sam ponukan danas raspravom vezanu za tačku broj šest, gdje sam predložio zaključak evo ovdje, dostavit ću u pismenoj formi na službu naravno. Predlažem inicijativu da se uradi Odluka kada su u pitanju parking prostori na području grada, ako treba i na području kompletne opštine. Da se evo, danas smo imali tu tačku gdje se maltene radi izmjena, prvenstveno nema zainteresiranih za gradnju objekata ali neophodni su parking prostori. Iz tog razloga ja dajem pokrećem inicijativu da se izradi ta Odluka, koja je očito neophodna. Jedni smo od rijetkih koji nemamo tu Odluku.

Predsjedavajuća Svjetlana Zamboni: Da li ima još vijećnika sa inicijativama i pitanjima, nema, zaključujem sjednicu Općinskog vijeća u 10,24h.

Zapisničar

Elza Gračić



PREDSJEDAVAJUĆA

Svjetlana Zamboni

